

A-čoahkkinbeavdegirji

RiddoDuottarMuseat

RDM stivračoahkkin 26.03.20, telefvdnačoahkkin 0900-11:50

Videočoahkkin (Zoom) Sámedikkiin dii 12:00-13:00

Čoahkkimis sámedikki bealis: Henrik Olsen, Magne Svineng, Johan Matteus Triumpf ja Janne Hansen.

Áššit mat digaštallojuvvojedje: Dokumentasjonsprosjekt maid Sámediggi lea bidjan RDM bargat, vejolašdutkanosa proseassa ja Sámedikki museadiehtu.

Čoahkkinoasseváldit:

Johan Vasara	Stivrajodiheadji
Hilde Skanke	Nubbijodiheadji
Sten Magnar Nikodemussen	Stivralahttu
Marianne Balto	Stivralahttu
Olaug Larsson	Stivraláhttu lei bealálaš ášši 8 ja guđii čoahkkima go ášši meannudedje.
Ann Britt Eira Sara	Stivralahttu
Svein Atle Somby	Stivralahttu
Elle Bals	Bargiidáirras stivralahttu. Árvoštallon bealátgeahtesvuoda ášši 8.
Anne May Olli	Čálii lei bealálaš ášši 9 ja ášši 10, son guđii čoahkkima go meannude ášši.
Ingvald Laiti	Rehketdoalli, Averdi, ášši 5 ja 6.

Eai searvan čoahkkimii:

Áššenr. Ášši

1-2020 Čoahkkingohččuma ja áššelisttu dohkkeheapmi

Čoahkkingohččun ja áššelistu dohkkehuvvui ovttajienalaččat, daiguin rievdadusaiguin: ášši 9 juhkkojuvvo áššin 9 ja áššin 10, 6 áššái lasihuvvui Olaug Larssona evttohus, 11 áššái lasihuvvoje bušehtacealkámuš ja áššit. Eará: Covid-19 ja stivrii Teams.

2-2020 Válljet guokte olbmo vuolláičállit čoahkkinbeavdegirjji

Olaug Larsson ja Svein Atle Somby válljejuvviiga ovttajienalaččat vuolláičállit čoahkkinbeavdegirjji.

1. DIEHTOJUOHKINÁŠŠIT

3-2020 Diehtujuohkimat / Orienteringer

Diehtujuohkináššit ledje oassin 17.3 stivračoahkkimis mii lei telefonna bokte, gos digaštalaime museaid giddema 12.3. Dán čoahkkimis mañiduvvui 23.3 stivračoahkkin njukčamánu 26. beaivái.

Diehtujuohkináššit:

- Dáidagiid luoikamii mearridit luoikandivvaga
- SVD ovttasbargolávdegotti njuolggadusat
- Museadieđáhus (stáhta)
- Porsáŋgu fárrenproševtta ovdáneapmi
- Davviguovlludieđáhus
- Boahtte stivračoahkkin lea Hámmárfeasttas, mii lea RDM guovllu ođđa suohkan

Mearrádus: Vuhtiiváldojuvvon.

2. ČUOVVOLANÁŠŠIT / OPPFØLGINGSSAKER

Eai leat áššit

3. MEARRÁDUSÁŠŠIT

4-2020 Jahkedieđáhus 2019

- 1) Áššebáhpárat:
-Jahkedieđáhus 2019
- 2) Áššemeannudeapmi:
2019 jagi lea leamaš fokus nannet RDMa siskkildasat, joavkohukseamiin ja bargobirrasa buoridemiin, muhto maid dai siskkáldas bargguid mat gusket musea guovddášdoaimmaide, nu go primus ja čoakkáldathálddašeapmi. Dasa lassin lea 2019 leamaš dat stuora dáiddajahki, ollu dáidda luoikamiiguin ja ovttasbarguin Sámi Dáidda Guovddážiin.
- 3) Mearrádusevttohus:
Jahkedieđáhus 2019 dohkkehuvo
- 4) Mearrádus:

Jahkedieđáhus lea dohkkehuvvon Elle Bals rievdadusain SVD jahkedieđáhussii lasáhus: SU (OL) lea maid meannudan sámi dáiddamusea ja SVD/DSS ođasmahttima vejolašvuodaguorahallanášši (*Mulighetsstudie for etablering av Samisk Kunstmuseum og renovering av SVD/DSS*).
Olaug Larssona lasáhus: Sámiid Vuorká-Dávvirat/De samiske Samlinger (SVD/DSS-OBL/SU) báikkálaš ovttasbargolávdegotti ulbmilat ja njuolggadusat leat válbmasat.
Dohkkehuvvon ovttajienalaččat.

5-2020 2019 rehketoallu

- 1) Áššebáhpárat:
- 2019 rehketoallu
- 2) Áššečilgejupmi:

RDM rehketoalli lea Averdi AS Kárašjogas. 2019:s lea RDM lonuhan revisora KPMG AS:s ES Revisjon AS:i. RDM rehketoalus lea 293 100 ruvnu vuolláibáza. Dasa leat dárbbášlaš oastámušat sivvan.

3) Evttohus meannudeapmái mearridit:
Rehketoallu 2019 dohkkehuvvo.

4) Meannudeami mearráduš:

Stivra dohkkeha čilgejuvvon rehketoalu čuovvovaš rievdadusain: Várrejuvvi poasttas «avsetning til investeringer» unniduvvo 401 000 ruvnuin, mii čállojuvvo sisabohtun doaimmarehketoalus. Dáinna rievdadusain rievdá 2019 boadus 107 900 ruvnuin (badjelbáza). Dohkkehuvvon ovttajenalaččat.

6-2020 2021 bušeahtacealkámuš

1) Dokumeanttat:

2) Áššečielggadeapmi:

RiddoDuottarMuseat leat 2017 dahkan mearrádusa viđa jagi strategijaplánii ja mii leat plánaáigodagas ollen beallemuddui. RDMa museat leat čađahan mánga dárbbášlaš doaimma ja leat oaidnán buriid bohtosiid vuoruhuvvon doaimmain. Eará ládje daddjon, de lea RDM ovdánan bures strategijaplána vuoruhuvvon doaimmaiguin. Hástalusat mat ráddjejit joksat bohtosiid leat váilevaš resurssat olbmuid ektui ja ekonomalaš doaimmavejolašvuodát.

Fágalaš hástalusat ja vuoruheamit

RDMa lea ovddit budjeahtacealkámušaid bokte ja gulahallančoahkkimiin čilgen museaid beaivválaš hástalusaid. Dain njealji kulturhistorjjálašmuseain ja dáiddamagasiinnas lea stuorámuš sámi čoakkáldagat Norggas. Dárbbut čoakkáldathálddašeamis ja dasa lassin čoakkáldagaid digitaliseremis ja gaskkustemis leat stuorrát. Dát lea áddjás ja gáibida bargoreaidduid. RDM bargá primusregistreremiin, 3D-govvemiin, digitála applikašuvdna gaskkustemiin, ođđa ruovttusiiduin ja ollu eará doaimmaiguin. Bargu gáibida bargiid mat buvttadit sisdoalu, mángga gillii ja bargoreaidduid mat buktet buori bargojodju (dihtorreaidduid, serverkapasitehta ja prográmmaid jna.). RDMas lea maid dárbu digitaliseren musea čoakkáldagaid, arkiivva ja journálaid vai joksat omd. Sámedikki digitaliseren vuordámušaid mat gusket sámi institušuvnnaide (gč. sámedikki digitaliserenstrategiija, ášši 67/19).

Digitaliseren lea nationála vuoruhansuorgi. Sámedikki presideantta čálii dan birra kronihka 26.03.18, go ráđdehus lea juolludan miljovnnaid digitaliseret Norgga almmolaš institušuvnnaid, muhto sámi institušuvnnat eai oaččo oasi dán ruđain. Digitaliseren ii guoskka duššo gillii, vaikko sámi institušuvnnat fertejit atnit duppalit nu ollu áiggi guovtti giela hálddašeapmái -sámi institušuvnnat dárbbášit maid sámegeilat heivehemiid dálá čovdosiidda (ovdamearkka dihte primus), muhto maiddái ovdánahttit iežaset buktagiid ođđa teknologijai. Dat lea vuđolaš ja áddjás bargu. Museaid dábálaš doaimmat leat ovdalaččas unnit ruhtaduvvon ja go museat galget dasa lassin bargat vuđolaš ovdánahttinbargguid, de dat čuohcá eará ovdánemiide. Ovdamearkan dasa lea “Primus sámegeilli”, mainna sámi museat leat juo

bargan logi jagi, álggos oažžut systema gieđahallat sámi bustámaid ja de ovdánahttit sámi sátn- ja doabalisttuid mat galget čoakkáldathálddašanvuogádhkii. RDM museain leat 1-2 bargi juohke museas, dat jo muitala ahte eai leat resurssat buot bargguide mainna museat galget bargat. Listtut leat viimmat gárvásat (davvisámegielaht dávvirterminologijja, muhto eará sámegielaht listtuid eai leat vel gárven), muhto daid ferte konverteret, heivehit primussystema gielalaš hierarkijai. Dát goarida RDMa museaid vátna resurssaid, dan dihtego mii fertet ieža ráhkadit metadata. Dan dahket eará ásahusat ja Norgga museat veahkkálaga, earet eará KulturNav vehkiin.

Mihtuid joksat muhtin doaimmain goarida eará doaimmaid museas, go eai leat nohkka olmmošlaš resurssat. Otnáži lea “Primus sámegillii” máksán 1,5 milliovnna ruvno. Go bargu ii leat vel gárvvis dat miellidduktá dan ahte barggus bohtet eambo golut.

RDM bargá ángirit registreret čoakkáldagaid čoakkáldathálddašansastemái primusii. Guovvamánus dán jagi leat njealjis bargan njeallje beavvi duššo ráidnemiin, registreremin ja govvemin. Sii nagode bargat 15-20 dávviriin beavvis. Go de galget registreret ja digitaliseret mánnga duhát dávvira de boahá dainna bargguin ádjánit mánjalot jagi otná resurssaiguin. Dat lea diehttelas bággu lasihit virggiid jus stáda digitaliserenstrategijja galgá guoskat sámi museaide.

RDMa galgá leat oasálaš dutkamiin, heivehit stipendiáhtta virggiid ja ovdánahttit museafágalaš profešuvnnaid museain. RDMa galgá ovttasbargat eará báikkálaš, regionálalaččat ja riikkaidgaskasaččat institušuvnnaiguin ja organisašuvnnaiguin. Seammás lea RDM museain servodatrolla sámi museainstitušuvdnan, máhttobargobáikin ja de galgá sis vel leat servodatovddasvástádus ja addit oahppobargobaikit ja oahpahallisajit.

RDM vásiha ahte iešguđet arenain lassána oasálastin hástaleapmi, luoikkahemiin čájáhusaide, oasálastin fágalaš seminárain ja fierpmádagain, čájáhusaid dahkat, dutkan ja ovdánahttin. Jearaldagat leat njealji dásis, báikkálaččat, regionálalaččat, našuvnnalalaččat ja riikkaidgaskasaččat. Earenoamážit dovdo dat garrasit sámi dáidda luoikkahemiin, go RDMas eai leat doarvái resurssat gieđahallat buot. RDMa lea dárbbu dihte ásahan bálvalusmávssu luoikkahemiide, liige ruhtadeapmi gokčat kapasitehtadárbbuid vástidit ja gieđahallat gulaskuddamiid. RDM ferte nannet fágalaš vuođđobargoveaga sihkarastin dihte ahte RDMa searválaga gokčá ja fuolaha sámi museapráksisa, ja dasa lassin eará museafágalaš beliid.

2019is čađahuvvui vejolašduttukus sámi musea Kárášjogas divodit ja hukset sámi dáiddamusea. Dát bargu gáibida resurssaid boahhtevas jagiid, earenoamážiid go geahččá musea ja magasiinnaid gáibáduspesifikašuvnnaid. Lea dehálaš ahte RDMa museaide biddjojit resurssat sihkarastin dihte buriid čájáhusarenaid ja vuorkkáid.

Obbalaš hástalusat mat váikkuhit RDMa ekonomijai

Nu go ovddeš budjeahtacealkámušain, háliida RDM čujuhit osiid mat leat hástaleaddjit RDMa ekonomijja. Dán budjeahtacealkámušas čalmustahttojuvvojit dat dáin čuoggáin:

- Mánnga suohkana gos RDM lea, leat ROBEK suohkanat.
- RDMa museat leat Oarje-Finnmárkkus ja leat guhkes gaskat museaid gaska. Jus galgá leat buorre ovttasbargu de gáibiduvvo ahte buot bargit veahkehit buot museaid RDMas. RDMa museat galget leat árrjálalaččat ja geasuheaddji ovttasbargoguoimmit, mii fas gáibida oasálastima iešguđet

arenain gos musea- ja servodatdigaštallan lea -báikkálaččat, regionálalaččat, našuvnnalalaččat ja riikkaidgaskasaččat. Dat gáibida ahte RDM vuoruhá atnit ruđa mátkkiide.

- RDMas eat guokte hálldašan giela. Doaimmahit museaid guvttiin gielain lea áddjái ja divrras. Museaide mat leat sámedikki vuolde ii juolluduvvo guovttegielat ruhta, dat berre boahit ávkin museaide maid. Dasa lassin lea Porsáŋgu museas vel Kveana giella.
- RDMa hálldaša stuorámuš sámi čoakkáldaga Norggas, dasa lassin lea dáppe máilmmi stuorámuš sámi dáiddačoakkáldat. RDM doaibmaruhta galgá juhkkot 5 museaide ja oktasaš administrašuvdnii.
- Lea dárbu ođđa/divvut musea visttiid, masa lea veadjemeahtun gávdnat čovdosa RDM ekonomalaš rámmaid siskkobealde.
- Digitaliseren gáibida eambo resurssaid, sihke olmmošlaš ja ekonomalaš resurssaid, jus digitaliserenstrategiija galgá guoskat sámi museaide.
- Go RDMas eai leat doarvái bargit báikkálaš historjja čohkket ja dokumenteret, de lea RDMas dárbu ohcat veahki báikkálašservviin ja joavkkuin čađahit dáid bargguid. Dat gáibida ahte biddjo sierra ruhtá dán doibmii vai searvvit ja joavkut sáhttet ohcat doarjaga RDMas čađahit dán barggu. Dan dihte lea dehálaš ahte dán bargui vuoruhuvvo ruhta.

Ekonomalaš ovdáneapmi

RDM lea okta dain sámi museain mat namuhuvvojit Museumsnytt artihkkalis «Selvbestemmelse til besvær»¹. Dás boahit čielgasit ovdan ahte sámi museain eai leat seamma ekonomalaš eavttut go norgga museain. Dat vurdojuvvo ahte RDM oážžu ekonomalaš lassáneami Romssa-Finnmárku fylkasuohkanis, mii lea njuolgo doaibma Finnmark fylkkasuohkana mearriduvvon strategiijas, mii galgá njulget erohusaid sin gaskkas mat vuostáiváldet doarjagiid fylkkasuohkanis. RDMa Ovddeš budjeahtacealkámušat čujuhit vuordámušaide stáda ja regiivna proseanttajuohkimii mii lea 60/40 proseantajuohku. 2019is juolludii fylkasuohkan 3,65% RDMa ollislaš doaibmajuolludeamis. Lassáneapmi 2019is 2020ai lea haddemudden 1.1%

Sámediggi lea juolludan vuollel 90% RDMa ollislaš juolludemiin. Lassáneapmi 2019is 2020ai lei 0,6%. Mii sávvat ahte sámediggi addá normála hadde- ja bálkálássáneami jo dán jagi.

Mánnga RDMa doallosuohkanin leat dovddahan iežaset váttes ekonomalaš dili, go leat biddjon ROBEK listui. Dát sáhtta mielddisbuktit ahte suohkaniid doaibmadoarjagat RDMii sihkkovuvvot. Dilli lea hui eahpesihkar, mii dagaha ahte RDMa ii sáhte suohkaniid doarjagiiguin máksit fásta goluid. Dat mii lea buorre RDMii lea ahte 2020 rájes lea Fálesnuorri suohkan časkon oktii Hámmárfeastta suohkanin, ja dat ođđa suohkan orru oavvildeamen ahte ruohtajuolludeapmi Jáhkovuona RDM musea ii rievdda. Lassáneapmi 2019is 2020ai lea 4,67%. Kárašjoga giella juolluda seamma mađe doarjaga go ovddit jagi, muhto hadde- ja bálkálássáneapmi ii lasihuvvo. Guovdageainnu suohkan lea vuolidan doarjaga 1,36% ja Porsáŋgu suohkan lea ges lokten doarjaga 7,16%.

2021 ekonomalaš rámma

Dárbbut mat bohte ovdan ovddit budjeahtacealkámušain eai leat rievdan. RDM dárbbáša diehttevaš ekonomiiija guhkitáiggi ektui, vai sáhtta dáhkát museaide fágalaš ovdáneamiid, muhto maidai vai sáhtta

¹ Museumsnytt 3.6.19: <https://museumsnytt.no/selvbestemmelse-til-besvaer/>

váldit suorát servodatrolla ja ovddasvástádusa. Dat lea diehttelas ahte museat dárbbášit eambbo bargiid vai nagodit doaimmahit/čoavdit digitaliserendárbbuid čoakkáldathálddašeamis, muhto maid arkiivva ja journála digitaliseremis.

Dáidaga digitaliseremii dárbbášuvvo šiehtadus BONOin ja RDM lea čállán vuodđošiehtadusa 2019is BONOin, muhto go čoakkáldat galgá digitaliserejuvvot ja biddjot nehttii fertte šiehtadusa viiddidit. Dát šiehtadusat goaridit dáiddamagasiinna ekonomii ja nu gáržžida RDMa vejolašvuodaid atnit digitála veahkkeneavvuid sámedáidaga gaskkustepmái.

Vai lahkoniit 60/40 juohkima stáda ja regiovna gaska, maid mii vuordit, šaddá 2021 budjehttaealkámuš ná²:

Juolludeamit	Oassi 2019	Oassi 2020	Proseantta +/-	Juohkin 60/40	Oassi 2021	Lassaneapmi 2020-> 2021	Juohkin 60/40
Sámediggi (m/merkejuvvon sisaoastin doarjja)	11573000 ³	11645000	+0,6%	88,91%	11994350	3 %	70%
Finnmárku Fylkasuohkan	493 000	498400	+1,1%	3,81%	3640435	630%	21 %
Suohkanat	930 954	954 148 ⁴	+2,5%	7,28%	1500000	57 %	9 %
Oktiibuot	12996954,-	13097548,-		100%	17134985,-		100%

RDMa 2021 budjehttaealkámuš čájeha dárbbu loktet Finnmarkku fylkasuohkana oasi vai lahkoniit 60/40 proseantta juohkominstara stáda ja regiovna gaskkas. RDMa lea soriuvaš doallosuohkaniid juolludemiide vai šaddet eambbo bargosajit mii fas veahkeha loktet suohkaniid sisabohtolassánemiid. RDM sihtá njeallje millijovna stuoru budjehttalassáneami vai sáhtá áimmahuššat musealáš doaimmaid ja bargat positiiva ovdánemiin RDMas.

3) Mearrádusevttohus:

Juolludeamit	Oassi 2020	Lassáneapmi 2019-> 2020	Juohkin 60/40
Sámediggi (m/merkejuvvon sisaoastin doarjja)	11 994 350	3 %	70 %
Finnmárkkku Fylkasuohkan	3 640 435	630 %	21 %
Suohkanat	1 500 000	57 %	9 %
Oktiibuot	17 134 985,-	31%	100%

² Iežas sisabohtu váldo eret 60/40 meroštallamis

³ Earet geardesupmi SVDa liggeruittu 2019

⁴ Mielde lea viessoláigoref. Porsáŋgu suohkanis.

2021 budjeahtttacealkámušas sihtá RDMa oktiibuot sullii 31% doarjjalassáneami, stuora juohkoerohusa dihte mii lea gaskal Stáda ja regiovnna, ja Romssa-Finnmárku lohpadusa vuodul loktet sámi museaid doarjagiid. Sivvan lassáneapmái, mii lea badjelaš 4 millijovvna ruvvnna, leat dárbbut fágavirggiide, visttedivodemiide, divodeapmi/hukset magasiinnaid, konserverenfasilitet ja dutkan/stipendiáhttavirggit.

4) Mearráduš:

Bušehtttacealkámuš dohkkehuvvo Olaug Larssona čoahkkimis ovdanbukton lasáhusain. Dasa lassin addo direktivrii fápmudus lasihit teknihkalaš govvdusa mii čalmmustahtá Sámi primus goski goluid. Dohkkehuvvon ovttajienalaččat.

7-2020 **2020 doaimmaplána**

1) Áššebáhpirat:

- 2019 – 2020 Doaimmaplána (*galga ođasmahttot ovdal 01.04.20*)
- Sámedikki juolludanreive ja raporterenskovvi 2020
- Finnmárkku fylkkagieldda juolludanreive 2020
- Musea ehtalaš njuolggadusat: <https://www.kulturradet.no/documents/10157/2bcf94db-d79d-4b5f-834b-384ea304580f>

2) Áššečilgehus:

Museaid servodatrolla ii leat rievdan, dan dihte lea áššemeannudeapmi nu go ovdal, muhto doaimmat leat čadnon vuoruhemiide.

RDM 2020 doaimmaplánaš boahtá ovdan makkár osiide mis lea eanemus fokus dán jagi. RDM:s lea dábálaš doaimma (čoakkáldathálddašeapmi, dokumentašuvdna ja gaskkusteapmi). Dasa lassin leat mis proševttat ja vuoruhuvvon ángiruššansuorggit, dego dutkan ja rekrutereren (erenomážit vistesuodjaleami suorggis). Plánejuvnon doaimmat čuvvot RDM 2017–2022 strategii ja 10.12.19 stivračoahkkima váldovuoruhemiid.

Musea doaimmaid ferte geahččat dan ektui mii musea servodatrolla lea. Lea vuosttažettiin dehálaš fuolahit hálddašeami, dutkama, gaskkusteami ja ođasteami – go áigu leat musea: čohkkejuvnon doaimma. RDM musea čuvvot museaid vuollerádjedási ICOMS musea ehtalaš njuolggadusaid (gč. lijkka).

1. Museat sealluhit, dulkojit ja ovddidit olmmošsoga luonddu- ja kulturárbbi
2. Musea hálddaša čoakkáldagaid servvodaga ovddas ja buorin servodatovdánahttimii
3. Musea fuolaha primáragálduid diehtaga máhttui ja čiekŋudeapmái
4. Musea addá vejolašvuoda atnit árvvus, illudit, ipmirdit ja vurket luonddu ja kulturárbbi
5. Museain leat resursat mat addet vejolašvuoda eará servvodatlaš bálvalusaide ja buriide
6. Museain lea lagas ovttasbargu daiguin servvodagaiguin gos čoakkáldagat bohtet ja daid servvodagaiguin maid sii bálvalit.
7. Museer arbeider innenfor de rammer loven setter
8. Museer arbeider etter faglige og profesjonelle prinsipper
9. Museat barget lága rámmaid siskkobealde

10. Musea bargá fágalaš ja profeššunealla prinsihpaid mielde

- Sámi museat háliidit deavdit musea servvodatrolla sámi geahččanguovllus. Dan dihte háliida RDM bargat gávcciin namuhuvvon čuoggáin iežamet kultuvrralaš ja árbevirolaš duogážiin. Dát lea soapmásiid mielas institušuvnnalaš dekoloniseren, ja lea dieđusge juoga mii ferte dahkkot áiggi mielde.

Servvodat oaidná dálá áiggis eanemusat dušše dan doaimma mii museain lea olggos guvlui, ja dat lea museaide hástalus. Eará museabarggut eai leat oinnolaččat servvodahkii. Jus eará sániiguin dadjá; museat barget buori barggu jus čoakkáldagat leat ain áimmuin 50 ja 100 jagi geahčen. Boahttevaš buolvvat leat sii guđet sáhttet árvoštallat barget go museat dálá áiggis doarvái buori barggu, ja dieđusge lea nu ahte musea barget eai oaččo rámi bargguset ovddas nu guhka go ieža ain barget museain. Danne lea áibbas dárbbalaš ahte ollu dan barggus mii dáhkko museain ferte geahččat guhkesáiggi perspektiivvas. Oanehis áiggi perspektiivvas ges dábálaš doaimma ja eará proševttaid ja vuoruhuvvon doaimmaid.

Juohke juolluduvvon jahkái sávaše Sámediggi ja Fylkkagiella čielga doaimmaid ja árvoštallamiid maŋŋá doaimmaid. Dasa lassin lea juohke doaimmas fokus guosseloguide. RDM:s lea dan dihte doaimmaplána mii lea veháš eambo dárkil (gč. mildosa) ja listu mas juohke musea váldovuoruheamit maid raporterejit sierra.

Dat lea dattege nu ahte lea dehálaš oaidnit musea rolla dan perspektiivvas masa lea deaddu dain raporttain. Sáhtta šaddat miella ráhkadit doaimmaid main, dálá áiggis, gártet buorit guosselogut ja ollu buorit čállosat. Muhto musea ferte doalahit fokusa dasa mii lea min guhkesáiggi rolla, mii lea leat dokumenterejeaddji ja čoakkáldathálddašeaddji. Mii fertet boahttevaš buolvvaid fuolahit, váikko dát bargu ii buvttat dálá áigái guosseloguid.

3) Mearrádusárvalus:

RDM musea doaimmaplána dohkkehuvvo čuovvovaš váldovuoruhemiiguin guhtege RDM ossodagas (Skovvi Sámediggái):

ADM: Čuovvulit bargobirrasa- ja organisašuvnnahuksema ja, čuovvulit SVD/dáiddamusea ja fierpmádatbarggu vejolašdutkan, čađahit RDMa márkán- ja mediastategiijaplána barggu ja láchit dili arkiivva digitaliseremii.

SVD: Digitála gaskkusteapmi, Primus sámegillii- doibmiibidjat Digitalt Museumii ja duokŋat čájáhuslanja dáhki.

PM: Magasiidnaođasteapmi (sirdin), primushálddašeapmi ja digitála gaskkusteapmi.

JMM: Čoakkáldathálddašeapmi/Primusbargu, Luobahit mutuvrraid mat leat Nilládálu olggobealde ja málet Nilládálu.

GG: Áltá-Guovdageainnu ášši dokumenteren, áittiid divvut olgomuseas, primusbargu ja čorgen- hutkat buoridanvejolašvuodaid bistevaš čájáhusas.

Dáidda: Primusregistreren/čoakkáldaga dahkkat olámuttos Digitalt Museumis vai effektiviseren dihte doaimma, bálkáhít govvejeaddji; RDMa ođđa neahttasiidui ráhkadit neahttačájáhusa 2016-2019 dáiddaoastimis ja go lea nu stuora beroštupmi luoikkahit dáidaga de váldigoahhtit bálvalusmávssu vai sáhttit bálkáhít liigeveahki.

4) Mearrádus:

Mearrádusárvalus mearriduvvui ovttajienalaččat.

8 - 2020

Gudnebálkkašupmi

1) Áššebáhpárat:

- Árvalusat

2) Áššemeannudeapmi:

RiddoDuottarMuseat stivra ásahii 2007s gudnebálkkašumi

Ulbmil gudnebálkkašumiin lea gudnejáhttit ángiris olbmuid geat beroštit ja barget sámi ja kveana museabargguiguin.

Bálkkašupmi juhkkovuođu juohke 2. jagi ja geigejuvvo olbmui, dahje berošteaddji/eaktodáhtolaš searváii gii/mii lea doaimmahan museabargguiguin.

Gudnebálkkašupmi lea 7.500 ruvdnosaš mátkestipeanda ja gudnebálkkašumi duođaštus.

RDM-gudnebálkkašupmi ovdal lea geigejuvvon:

2018 Alf Isak Keskitalo, Kautokeino

2016 Ingar Eira, Kokelv

2014 Historiker Arvid Petterson, Brennelv i Porsanger

2011 Edel Hætta Eriksen, Kautokeino

2009 Museumsforeninga for De Samiske Samlinger i Karasjok

2007 Ole Johan Nikodemussen, Kokelv

1. Evttohus

Evttohat Kárášjoga jahkegirjebarggu oazžut RDM gudnebálkkašumi 2020.

SVD musea- ja historjásearvi jahkegirjedoaimmahus lea 11 jagi nuvttá bargan ja almmuhan 11 jahkegirjii jagiin 2009 rájes gitta 2019 rádjai.

2. Evttohus

Osvald Guttorm lea evttohuvuon barggu geažil maid lea bargan Sámiid Vuorká-Dávvirat ovddas, SVDa čoakkáldagain- ja sámi árbevieru gaskkustemiin.

3. Evttohus

Berit Åse Johnsen. Son lea bargan ollu jagiid ovddidit sámegeiela ja sámi áššit sámi institušuvnnain, sihke SVDas ja Romssa museas. Son lea maid ollu jagiid bargan jodiheaddjin sihke SVDas ja maid RDMas

4. Evttohus

Guovdageainnu hisorjášearvi evttoha Traktor Mahte (Johan Mahtis K Hætta) RDMa 2020 gudnebálkkašupmái. Son lea álggu rájes čohkken govaid ja historjjáid Historjášearvi girjjiide. Ealáhagas áiggis lea son bargan ollu čohket- ja dokumenteret Guovdageainnu servodaga ovdal ja maŋnel soađi.

3) Mearrádusevttohu: Adm ii bukte evttohus.

4) Mearrádus:

Evttohusa ákkaid vuodul:

2020 gudnebálkkašupmi addojuvvo SVD musea- ja historjášearvi jahkegirjedoaimmahussii.

Duogáš nammadeapmái lei jahkegirji 2009-2019 ráhkadanbargu. Girji čájeha ja govvida báikkálašhistorjjá sámegillii ja dárogillii. Jahkegirji boađus lea ahte báikkálaš servvodaga diehtu iežas historjjá birra nannejuvvo.

Báikkálašálbmot ja maid dai earát leat jahkegirjiin ožžon eambo dieđuid sin iežaset sámi historjjás ja nu maid dai nannen sámi iešdovdduset. Jahkegirji lea maid movttiidahtán lohkat sámegeiel čállosiid ja ná nannen sámegeielgelbbošvuoda. Jahkegirji sisdoallu lea maid buktán ođđa máhtu ja čohkken buolvvaid.

Mearriduvvon ovttajenalaččat.

9-2020 Jahkasaš bálkášiehtadallamat stivrra ja direktivrra gaska

1) Dokumeanttat:

Guovvamánu 2020 bálkášiehtadallan protokolla.

2) Áššečielggadeapmi:

Áššis 15/18 Addui stivrajođiheaddjái ja nubbinjođiheaddjái váldi šiehtadallat bálká direktivrrain.

Ođđajagimánu 2019 lei vuostašgearddi bálkášiehtadallamat čađahuvvojedje. 2019ii bálkámearrideapmi lei vuostaš háve son oččui bálkálasahusa dan rajes go virgáibiddjui 2015is. ođđajagimánu 2019is sohpe bealit doallat jahkasaš bálkáságastallama. 2020ii bálkášiehtadallamat čađahuvvojedje guovvamánu 10. beaivvi d.j.

Diehttevašvuoda ovddideapmai ja čielggadit eahpečielgasit ođđa bálká biddjamii, oidnet bealit ovdamunnin ahte rievdamit boahhtevaš bálkášiehtadallamiidda galget doaibmagoahtit ođđajagimánu 1.beavvi dan jagi og ođđa bálká šiehtadallo.

Čujuhuvvo mildosii šiehtadallanprotokollo 10.02.20

- 3) Mearrádusevttohus:
Stivrajođiheddji ovddida mearrádusevttohusa; šiehtadallánprotokolla dohkkehuvo.
- 4) Mearrádus:
Šiehtadallánprotokolla mearkkašuvvo ja dohkkehuvo.

Ášši 10-2020 RDM ja Anne May Olli bargošiehtadusa/mearreáiggešiehtadusa joatkin

- 1) Áššebáhpirat:

Rievdaduvvon bargošiehtadus/jahkemearrevirggi šiehtadus gaskal RDM ja Anne May Olli. 2020 guovvamánu bálkášiehtadallama protokolla.

- 2) Áššečilgehus:

Čujuhuvvo 2019 geassemánu 28. beaivvi stivrimearrádussii áššis 18/19 gos stivra mearridii ođastit direktivrra Anne May Olli jahkemearrevirggi ovttain mearreáiggiin dainna bargošiehtadusain mii lea dahkkon Olliin 2015:s. Ođđa mearreáigi lea 2020 miessemánu 27. beaivvi rájes gitta 2025 miessemánu 26. beaivvi rádjai.

Mearraáiggešiehtadusa čuokkis *4 bálká ja eará* lea rievdaduvvon. Vuosttaš teakstaoasis lea ođđa bálkáceahkki mii lea guovvamánu 10. beaivvi bálkášiehtadallamiid boadus. Nuppi teakstaoasis lea lasihuvvon ođđa mearrádus mas daddjo ahte galget leat jahkásaš bálkášiehtadallamat gaskal stivrra ja direktivrra nugo stivrimearrádusas 6/19 mearriduvvui njukčamánu 13. beaivvi 2019. Seamma oasis lea maid lasihuvvon ahte ođđa bálká gusto ođđajagimánu 1. beaivvi rájes dan jagi go lea šiehtadallon gč. bálkášiehtadallamiid guovvamánu 10. beaivvi 2020. Čuoggá goalmmát ja maŋemus teakstaoasis leat dát oasis čilgejuvvon: bargoáigi, šihhton jávkamat, buhtadeamit ja maŋŋábálká.

Muđui leat mearreáiggešiehtadusas rievdaduvvon dušše formalitehtat dego dáhtonat jna.

- 3) Mearrádusárvalus:

Stivrajođiheddji ovddida mearrádusárvalusa: Mearreáiggešiehtadus dohkkehuvo.

- 4) Mearrádus:
Stivrajođiheddji evttohus mearriduvvo ovttajienalaččat.

4. DIGAŠTALLANÁŠŠIT/ DISKUSJONSSAKER

Eai leat áššit

5. ČOAHKKÁIGEASSU / OPPSUMMERING

11 - 2020 Muđui

- 1) 13.4 rádjai fertejit museat Covid-19 virusa geažil leat gitta. RDM čuovvu eisseválddiid ávžžuhusaid dán áššis ja mii árvoštallat fas dili maŋŋá beassážiid.
- 2) RDM stivra geavahišgohtá Teams ja dokumeantajuohkima.

Referáhtta duođastuvvo leat riehta:

Olaug Larsson
Stivramiellahttu

Svein Atle Somby
Stivramiellahttu